

er schuldig war. Also wird euch mein Him-
lischer Vater auch thun/ so ihr nicht vergebet
von ewern hertzen/ ein jeglicher seinem Bru-
der seine Feile.

Exordiū
à xpiæ
Ro. 6. v.
23. A

Wann der heilige Apo-
stel Paulus Rom. 6. v. 23. vnter an-
dern also spricht: *Stipendium peccati
mors est.* Der sünden solt ist der Tod/
wil er nicht allein anzeigen/das alle

B Menschen nach dem fall vnser ersten Eltern sterb-
lich worden seind / sondern auch zugleich die vrsach
C darzu setzen / woher es entstanden / das Adam vnd
Eva/ sampt allen nachkommen sind in solche sterb-
lichkeit gerathen.

D Denn als Gott der HErr / nach erschaffung
Himels vnd Erdens/ vnd alles was darinnen/ auch
den menschen von erden machte/ vñ ihm einen gehülff-
fen von seinem Fleisch vnd Gebein zuordnete/ gab
er ihm / als der gebietende HErr / sein *ordinarium*
Mandatum, was er solte thun: Den Garten Eden
bauen vnd bewaren. Was er solte lassen: Vom
Baum des erkentnüs gutes vnd böses solt er nicht
essen/